

Atuartoq qitiutillugu ataatsimeeriaatsit



Portfolio
atorlugu nalilersuineq



Atuartut
angusaannik nalilersuineq



Atuartup imminut
nalilersornera/naliliiffiginera



Atuartoq
qitiutillugu ataatsimeeriaatsit



Una najoqqutassiaq saqqummersitanut
sisamaasunut ilaavoq:


Portfolio atorlugu nalilersuineq
Atuartut angusaannik nalilersuineq
Atuartup imminut nalilersornera/naliliiffiginera
Atuartoq qitiutillugu ataatsimeeriaatsit

Atuartoq qitiutillugu ataatsimeeriaatsit

Saqqummersitsisoq: Inerisaavik/Pilersuiffik, 2005
Naliliisarnermut immikkoortortaarfimmit
Kalaallit Nunaanni atuarfimmuq naleqqussarlugu
suliarineqartoq, Ministry of Education, British Columbiavit
saqqummersinneqartut najoqqutatalugit.
Ilioqqarnera: Inerisaavik/Pilersuiffik
Naqiterisoq: Inerisaavik/Pilersuiffik
Saqqaaani assiliisoq: Toornaq Consulting ApS
Amerlassusai: 2000
Inniminn. nr.: 6127 - 04

ISBN 87-585-1115-6

Atuartoq qitiutillugu ataatsimeeriaatsit




Student-Centred Conferences - mit nutsigaq (Assessment handbooks series).
Curriculum Development Branch, Ministry of Education, Victoria, British Columbia. 1994.

IMARISAI

Tunngavilersuutit	6
„Atuartoq qitiutillugu ataatsimeeriaatsit“ suunuku?	7
Sooq atuartoq qitiutillugu ataatsimiittoqartassava?	8
Atuartoq qitiutillugu ataatsimiisitsisarnissannut piareersarit	9
Aallartigit	15
Atuartoq qitiutillugu ataatsimeeriaatsit assigiinngitsut	17
Peqataasut pisussaaffii akisussaaffiilu	19
Atuartoq qitiutillugu ataatsimeriaatsimit assersuut	25
Isumaliutigisassat	28
Oqaatsit atorpeqartut allassimaffiat	29
Angusakka	30

Tunngavilersuutit



Atuarfitsialak atuartut suliaannik angusaannillu nalilersuisarnerit nalilii-sarnerillu pillugit periutsit allangortinneqarnissaannik piumasaqaateqar-poq. Taamaattumik Canadami atuartut angusaannik nalilersuisarnerit pil-lugit najoqqtassiat ukua, tuluttuumit suliareqqillugit nutserneqarput, taa-maalillutik aalajangiiviusumik naliliinermi (soorlu karakteriliinermi) ul-luinnarnilu sulianik nalilersuineri periutsinik allangortitseqataallutillu ineriartortitsinermut ilapertuutaasinnaaniassammata.


Najoqqtassiat tulleriat makkuupput:

1. Atuartup imminut nalilersornera/naliliiffiginera
2. Atuortoq qitiutillugu ataatsimeeriaatsit
3. Atuartut angusaannik nalilersuineq
4. Portfolio atorlugu nalilersuineq

Najoqqtassiat paasiuminartuunissaat pillugu tamarmik immikkut naliler-suineri periutsinik aalajangersimasunik sammisaqarput, kisianni sooru-nami periuseq ataaseq kisiat immikkoortillugu atorneqarsinnaanngilaq. Assersuutigalugu atuartup imminut nalilersornera/naliliiffiginera tassaa-voq, portfolio najoqqtatut atorlugu nalilersueriaatsip ilaa pingaaruteqar-toq, taakkulu ataatsimut tamarmik atuortoq pillugu ataatsimiinnerup atuar-tumillu ataatsimeeqateqarnerup iluatsittumik pitsaasumillu ingerlanissaa-nut iluaqutaasinnaapput.

Najoqqtassiat tamarmik inerniliinerit nassuiaataannik tunuliaqutaannillu, isumaliutissanik, aallarnisarnermilu isumassarsiorfiusinnaasunik assersuu-tinillu assigiinngitsunik imaqartinneqarput. Najoqqtassiani tamani nali-lersueriaatsit assigiinngitsut akunnerminni attuumassuteqarneri ersarissaa-viginiarlugit innersuussutitaqartinneqarput.

„Atuartoq qitiutillugu ataatsimeeriaatsit “ suunuku?”




Atuartoq qitiutillugu ataatsimiissagaanni pisariaqarpoq, atuartup angajoqqaanik ilinniartitsisunillu suleqateqarnermigut nammineq ilinniarnini pillugu nassuiaasinnaallunilu eqqarsaatiginnissimanissaa. Ataatsimeeriaaseq nalinginnaasumik angajoqqaanik ataatsimiisitsinermit tulleriaarlugillu oqaloqatiginnegattaarnermit allaaneruvoq, taakkunanami taamaallaat angajoqqaat ilinniartitsisullu atuartup atuarnera akunnerminni oqaloqatigiissutigisarmassuk.

Atuartoq qitiutillugu ataatsimiinneq pisoq ataasiartaannaassanngilaq, kisiannili atuartitsinerup ilaatut ilaalissalluni. Ataatsimiinnissaq sioqqullugu kingornatigullu, atuartut piginnaasaminnik ilisimasaminnillu takutitsinisamat periarfisinneqarunik, atuartunut ulluinnarni sulineq soqutiginaateqarnerulerluni isumaqarnerulertissavaat.

Atuartoq qitiutillugu ataatsimiinnermi peqataasut tamarmik suleqataassapput. Ataatsimiinnerup ilusilersugaanera najoqqutaralugu peqataasut iliuusaat allanngorartassapput. Ataatsimeeriaatsit ilusaasa assigiinngitsut tamarmik ammasumik oqaloqatigeeriaaseqarnissaq, peqataasunik tamanik ataqinninnissaq, isummat pitsaasut tungaannut noqasunnissaq pingaartitaraat atuartullu nammineq ilikkagassatigut ilinniarnermik ingerlaasaanik ilikkagassanillu anguniagassiornerup ingerlaqqinnissaanik paasinnissimanissaanik ikiuinissaq pingaartinneqassaaq.

Sooq atuartoo qitiutillugu ataatsimiittoqartassava?



„Ataatsimiinneq meeqqat toqqissisimalluinnarlutik siulersorpaat. Namminnermi imminnut pillutik oqaluuserisinnaapput, inuit namminneq ilinniarnerminnik soqutiginnittut oqaloqatigalugit: Namminneq angajoqqaatik.“

**Canadami
ilinniartitsisoq**

„Uanga suliakka pillugit oqaluttualerama, ilumuuvillunga soorlumi sorujusuannngorsimallunga misigisimavunga“.

„Uanga isumaga eqqoqqissaarlugu oqaatigaa-raa“

„Angajoqqaagut maanakkut qanoq iliornitsinik oqaluttuunniarnerit taarsiullugu, sulerismanersugut susinnaanersugullu takutissallugu ajornannginneroqaaq.“

**Canadamiut
atuartut**

Atuartoo qitiutillugu ataatsimeeqataasut, atuartut ilikkagassatigut ineriartornerullu tungaasigut siuarsarnissaat tapersorneqarnissaallu pillugit, peqataasut tamaasa suleqatigiissilertarpaat. Ataatsimeeriaatsip ilusaata immineq peqataasut kajumissarpaalusooq ilinniartitsisut, atuartut angajoqqaallu akunnerminni ammasumik ilumoorussamillu oqaloqatigiittarnissaannik. Peqataasut tamarmik taamatut ingerlaaseq pissarsiffigissarpaat.

Atuartoo qitiutillugu ataatsimiittarnerit ilinniartitsisunut ima kinguneqassapput

- atuartumik pitsaanerusumik paasinnilerneq
- atuartut ineriartornissaat pillugu akisussaaftimmik allat peqatigalugit pilersaarusiorsinnaalerneq
- ulluinnarni atuartitsissutigisanik nalilersuinnermi tungavissaqalerneq
- atuartut angajoqqaallu akunneranni pissutsit qanoq innerat takussallugu periarfissaqalerneq
- suliat maluginiakkallu pillugit kinguneqarluartumik nalunaarnissamat periarfissaqalerneq
- angerlarsimaffiup atuarfiullu akornanni oqaloqatigiilluni attaveqatigiinnermik nukittorsaaneq


Atuartoo qitiutillugu ataatsimiittarnerit atuartunut ima kinguneqassapput

- nammineq naleqassutsimik siursaaneq
- atuartup nammineq imminut ilisimaarineranik siursaaneq
- nammineq sulianik nalilersuinnermut peqataalerneq namminerlu ilikkariartonissaq anguniarlugu akisussaaqataalerneq
- attaveqaqateqarnikkut pilersaarusiorsinnaanikkullu piginnaasassanik siursaaneq inerisaanerlu
- isumaqarluartunik imaqarluartunillu nammineq imminut anguniagassiornissamat periarfissaqalerneq

Atuartoo qitiutillugu ataatsimiittarnerit angajoqqaanut ima kinguneqassapput

- nammineq meerarisaq pillugu nammineq ilisimasanik akuersaarneq
- meeqqap nammineq ilinniarnermik akisussaaqataaneranik annerusumik paasinninneq
- ilikkartarnerup ingerlaasaanik, nalilersuinnermik naliliinnermillu annerusumik paasinninneq
- meeqqamik klassimini assigiinngitsunik suliaqarnera takussallugu periarfissaqalerneq.

Atuartoq qitiutillugu ataatsimiisitsisarnissannut piareersarit



piareersarit

Inimi atuartitsiviusumi periutsit

Atuartoq qitiutillugu ataatsimiisitsisarnierit atuartitsinerup ilagilissappagu pisariaqarpoq, ilinniartitsisup atuaqatigiit akornanni siuarsaataasut makku pilersissimassagai:

- Atuartut nammineq toqqaasinnaasut/aalajangiisinnasut (nammineq imminut aqussinnaaneq)
- periutsit assigiinningsorpassuit atorlugit ilikkagassanik ilisarititsisinnaneq
- ataasiakkaarluni nammineq sulisinnaneq aamma suleqatigiissinnaneq
- isumasioqatigiinnikkut immersoqatigiissinnaneq
- kukkusinnaneq qunugiunnaarsimassagaat

Inimi atuartitsiviusumi taama ittuni ilinniartitsisup isumagisinnaavai, atuartut suliaminnik nalilersuisarsinnaanissaat, anguniagassiortuarsinnaanissaat suliaminnullu tunngasunik assersuutissanik katersisinnaajuarnissaat periarfissaqartuartsallugu. Piginnaassutsinik taakkunannga sungiusarnermikkut atuartut imaqarluartumik isumaqarluartumillu ataatsimeeqatigiinnermi periusissartik piareersarfigissavaat.

Atuartup nammineq nalilersuinera

Atuartup nammineq nalilersuinera: Ingerlaaseq tassaavoq, atuartup nammineq angusaminik, suliaminik inernerinillu, isummeqqanerminik ilikkakaminillu isumaliutiginninnera. Atuartut nammineq suliaminnik nalilersuisinnaanissaat pillugu atuartinneqarsimanissaat, ilinniaritsisunit qularnaarneqarsimasariaqarpoq, aamma pisuni assigiinningsuni atuartut nammineq ilisimasaminik, piginnaasaminik suliaminnullu isummaminik nalilersuiarsinnaanissaat periarfissinneqartuartaqarpoq. Atuartut nammineq nalilersuineri tassaapput, anguniagassiornissaminni suleriaasissanillu pilersarusiornissaminni tunngavissaat.

Atuartoq qitiutillugu ataatsimiinnermi atugassanik, atuartut imminnut nalilersornerminni oqaatsinik najoqqutassaminnik allatuiffiat

- Piffissami uani ilikkakka pingaernerit makkuupput:
pissutigalugu:
- Kissaatigaara malugissagissi ukununga pikkorinnerulersimasinga:
Imaaliorsinnaalerpunga:
- Maanna makku ilikkarusupakka: ,
pissutigalugu:
- Ukuninnga ikiorneqarnissara pisariaqartippara:



Takuuk aamma: Atuartup immnut nalilersornera/naliliiffiginera.

Atuartup nammineq nalilersuinera

Ateq: _____ Ulloq: _____

Atuartup oqaatigiumasai: _____

Uanga nukittuffikka/piginnaasaqarfikka:

Uppernarsaatissakka:

Atuartitsissutit pikkoriffiginerulikkakka:

Uppernarsaatissakka:

Allat pikkoriffiginerulikkakka:

Uppernarsaatissakka:

Iliusissatut pilersaarutiga:

Angajoqqaat oqaatigiumasaat:

Suliarisimasanit assersuutissatut katersat

Ataatsimiinnissaq sioqqullugu atuartut suliarisimasaannik naammattunik katersisimanissaq pingaaruteqarpoq. Taakkulu oqaloqatiginnermi aallavissatut atuartullu suliniarsimaneranik, siuariaataanik piffissallu aalajangersimasup iluani pissarsiarisimasaanik uppersarsaatissatut tunngavissiipput. Aammattaaq katersat takutissavaat atuartup atuaqatiminut naleqqiullugu ineriartorsimanera, atuartitsissutissatut pilersaarutaasunut aamma atuartitsinerup inuttullu nammineq anguniakkaminut naleqqiullugu ineriartorsimaneranut takussutissaassapput. Suliat assersuutitut takutitassat, piunasaqaatissiat ilinniartitsisumit atuartumillu suliarineqarsimasut malilugit toqqartorneqassinnaapput.



Takuuk aamma: Portfolio atorlugu nalilersuineq.

Assersuutissanik toqqaaneq

Ateq: _____ Ulloq: _____

Assersuutissatut uku toqqarpakka, pissutigalugu taakku takutimmassuk:

Siornatigut imaaliortarpunga:

Maannakkut imaaliortalerpunga:

Sulianni siunnerfikka:

„Nammineq suliat kingumut takullugit nuannerpoq, qanoq allanngortigisimalluni pitsanngortigisimallunilu.“

**Atuartoq
Canadamioq**

Assersuutitut toqqakkat paasissutissartaat

Ateq: _____ Ulloq: _____

Assersuut una tassaavoq:


Taanna toqqarpara, pissutigalugu:

Maluginiarneqassaaq:

Taanna suliaritillugu ilikkarpara:

Angajoqqaat oqaaseqaataat:

Anguniagassiorneq



Anguniakkat ersarinne-
rutillugit, anguneqarnis-
saat periarfissarissaar-
nerusarpoq.


Anguniagassiorneq tassaavoq ilinniarnep ingerlaqqinnissaanik pilersaarusiorneq. Atuartut imminerminnut naleqquttunik anguneqarsinnaasunillu anguniagassiortarnissaannik ilitersuunneqartarnissaat (atuartinneqartarnissaat) pisariaqarpoq. Suliassanik sammissassanik pilersaarusiornermut annertusaanermullu aamma nalilersuinermi piumasaaqatissiornermut, atuartut peqataatinneqarnermikkut pitsaasunik anguniagassiornissamut sungiusartinneqarsinnaapput. Anguniakkamik tungaanut sulinermik nakkutiginnissaa aqunnissaalu misilittagaqarfigilertariaqarpaat, aamma anguniagassiamik iluarsartuuteqqinnissaa eqqarsaatersorfiginnissaa misilittagaqarfigisimasariaqarpaat. Atuartoq qitiutillugu ataatsimiittalernikkut, angajoqqaat, ilinniartitsisut atuartullu ilikkagaqarniarnikkut ingerlaqqinnisaaq pillugu suleqatigiillutik anguniagassieqatigiittalernissaminnut suli annerusumik periarfissaqartilissapput.

Atuartoq qitiutillugu ataatsimiinnermi anguniagassanik, anguniagassiornermi periusissatut siunnersuutit

1. Ataatsimiinnisaaq sioqqullugu atuartut anguniakkat, angorusutatik oqaasertalersussavaat skiimamullu pilersaarusiarninnut allattorlugit.
2. Ataatsimiinnermi atuartut suli atassersuutitut takutitassatik tamaasa angajoqqaaminnut oqaluttuarissavaat suullu pitsaaqutiginaat, aamma suut pitsanngorsagassaanersut erseqqissaavigalugit.
3. Atuartut angajoqqaatik peqatigalugit nukittuffigisat pitsanngorsagassallu pillugit assersuutit aallaavigalugit anguniakkatik misissuataassavaat.
4. Atuartut, angajoqqaat ilinniartitsisullu suleqatigiillutik anguniakkat misissuataassavaat, immaqalu iluarsisassartaat iluarsartuullugit, anguniakkallu qanoq anguneqarnissaat pillugu pilersaarusiornit. Pilersaarusiarnissat siviissusissaallu skiimamut allattorneqassapput.
5. Ataatsimeereernerup kingornagut atuartup skiimaq suleriaasissatut najoqqutassiaq sulinermini atussavaa, pisariaqarpallu anguniagassiani naleqqussarlugit.
6. Piffissaaq aaliangiunneqarsimasooq malillugu atuartup anguniakkamisut aalajangersorsimasani angusimanerlugit, suullu iluatsissimanersut aamma iluatsissimannginersut isumaliutigalugillu isummorsorfigissavai.

Takuuk aamma: Angusakka / Atuartup imminut nalilersornera / naliliiffiginera.


Aallartigit



Ilinniartitsisut, atuarteq qitiutillugu ataatsimiisitserusuttut eqqarsaatigisassaraat:

- suliassap qanoq passuteriarneqarnissaa pillugu suleqatinik oqaloqateqarnissaq
- peqataasussat (atuartut angajoqqaallu) pisussaaffinnut akisussaaffinnullu qanoq piareersarneqassanersut pillugit pilersaarusiornissaq.
- imminut tatigineq aamma atuartitanik tatiginnineq
- nikallujuilluni naammagittarneq

Quppernerup tulliani pilersaarutit piffissalersorsimanerat tassaavoq, ukiup atuarfiusup qanoq pilersaarusionerqarsinnaanera pillugu siunnersuut.

- 
- Annikitsunnguit aallartiffigikkitt
 - Pilersaarusiorit
 - Suna tamaat aallaqqaataaniit nasaareqqissallugu pisariaqanngilaq

Ukiumut pilersarusiornissamut assersuut

Aggusti, septembari

- Atuartut, ilinniartitsisut angajoqqaallu ataatsimiinnerat (ilisare-qatigiinniarlutik, anguniagssiorlutik il.il.)
- Angajoqqaanit oqaatigiumasat (kissaatit isumakuluutillu)

Oktobari

- Angajoqqaanik ataatsimiisitsineq; ataatsimeeriaatsip ilisaritinne-ranik paasissutissiinermik ilalik
- Angajoqqaat atuarnep nalaani pulaaqqullugit qaaqquneqarput
- Aggerfissat ullussaannik aalajangersaaneq

Novembari

- Atuartut suliarisimasamik ilaannik assersuutitik/takussutissanik angajoqqaatillu ataatsimut misissuataagassaminnik angerlaassa-qassapput.
- Nalunaarusiat, karakteriliinerit imaluunniit allatut allakkatigut naliliinerit suliarineqarneri pissapput
- Atuortoq qitiutillugu ataatsimiinneq

Decembari

- Nalunaarusiat, karakteriliussat imaluunniit allatut allakkatigut naliliinerit atuartunut angajoqqaanullu agguaanneqassapput

Januaari

- Angajoqqaat atuarnep nalaani pulaaqqullugit qaaqquneqarput

Februari

- Angajoqqaat atuarnep nalaani pulaaqqullugit qaaqquneqarput
- Ataatsimiinnissat ullussaannik aalajangersaaneq


Martsi

- Atuartut suliarisimasamik ilaannik assersuutitik/takussutissanik angajoqqaatillu ataatsimut misissuataagassaminnik angerlaas-saqassapput.
- Nalunaarusiat, karakteriliinerit imaluunniit allatut allakkatigut naliliinerit suliarineqarneri pissapput
- Atuortoq qitiutillugu ataatsimiinneq

Aprili, maaji, juuni

- Nalunaarusiat, karakteriliussat imaluunniit allatut allakkatigut naliliinerit atuartunut angajoqqaanullu agguaanneqassapput
- Angajoqqaat atuarnep nalaani pulaaqqullugit qaaqquneqarput
- Nalunaarusiat, karakteriliussat imaluunniit allatut allakkatigut naliliinerit suliarineqassapput, atuartunut angajoqqaanullu ag-guaanneqassapput

Atuartoq qitiutillugu ataatsimeeriaatsit assigiinngitsut



Ataatsimeeriaatsit ilusaat assigiinngitsut marluk, matumani nassuiaatigineqartussat tassaapput, pingasunik peqataasoqarluni ataatsimeeriaaseq aamma atuartumik aqunneqartumik ataatsimeeriaaseq. Periutsit pineqartut tamarmik siunertaraat atuartut namminneq ilikkagassanik ilinniarnerninik eqqarsaatiginninnertik taakkunanngalu angajoqqaaminnik oqaloqatiginnissuteqartarnitik aqputigalugit, atuarnerninnik nalilersuinerit - naliliinerillu ingerlanneqarnerinut peqataatinneqarnissaat.

Ataatsimeeriaatsit tamarmik assigiinngitsuupput, peqataasullu tamarmik immikkuullarissunik isumagisassaqarlutik. Pingaaruteqarpoq ilinniartitsisut atuartullu pisariaqartitaannik pitsaanerpaamik naammassinnitumik ataatsimeeriaasissamik toqqaanissaq. Aammattaaq pingaaruteqarpoq, pisariaqassappat ataatsimeeriaatsip ilusaanik allannguisinnaanissaq ilinniartitsisup piareersimaffigissagaa.

Atuartoq qitiutillugu ataatsimiinnermi saniatigut ilinniartitsisup pisariaqartissinnaavaa atuartumik angajoqqaanilluunniit immikkuullarinnerusumik ataatsimeeqateqarsinnaanissani:

- atuartoq peqataatinngitu 'mianernarnerusut' pillugit angajoqqaanik oqaloqateqarnerit
- siusinnerukkut ataatsimiinnermi anguniagassiasimasut pillugit atuartumik oqaloqateqarneq

Illua' tungeriinnik pingasunik peqataasoqarluni ataatsimiinneq

- atuartoq, angajoqqaat ilinniartitsiorlu tamarmik peqataalluinnassapput
- ilinniartitsisoq ingerlatsinermut ilaassaaq
- ataatsimeeqataasut piffissap aalajangiunneqarsimasup iluani peqataasapput (ass. 30 iml. 45 min)
- atuartup suliani assersuutitut atorlugit ilinniarnini pillugu oqalulluni saqqummiinissani akisussaaffigissavaa
- atuartup nukittuffii, anguniagassiai anguniakkanilu qanoq iliorluni anguniassaneri, atuartoq, angajoqqaat ilinniartitsisullu suleqatigiillutik oqaloqatigiissutigissavaat
- ilinniartitsisoq eqqaamasassanik allattuisassaaq oqaluuserineqartunillu eqikkaasassalluni
- nalunaarusiat, karakteriliinerit imaluunniit allatut allakkatigut naliliinerit agguaanneqareerpata imaluunniit taakku pinnginnerini ataatsimiinneq pisinnaavoq

Ataatsimiinneq atuartumit aqutaq

- ataatsimiinnermi atuartoq angajoqqaallu tamarmik peqataalluinnassapput

- ataatsimiinnerup aqunneqarnera atuartup akisussaaffigaa
- ilinniartitsisup ataatsimiinnerup ingerlanneqarnera oqilisassallugu pi-sussaaffigaa, taamaattorli ataatsimiinnerup 'avataani' inissisimassalluni
- sulianik assersuutit/takusassiat atorlugit atuartup ilinniarnini pillugu oqalulluni saqqumiinissani akisussaaffigaa
- ataatsimiinnerit arlallit ataatsikkut ingerlanneqarsinnaassapput
- ataatsimiinneq amerlanertigut nalunaarusiat, karakteriliinerit imaluunniit allatut allakkatigut naliliinerit agguanneqareeraangata aatsaat ingerlanneqartassaaq
- anguniakkat

Assersuutit angajoqqaanut allakkiaq

Ulloq: / -

Uunga:..... angajoqqaavinut

Ukiormanna atuaqatigiit pillugit ataatsimiittarnissat pisarnermit allaanerulaassapput.

Meeqqat ilikkariartorneri ineriartornerilu pillugit ilinniartitsisup angajoqqaallu kisimik oqaloqatigiittarnerinut taarsiullugu, atuartut namminneq imminnut pillutik angajoqqaatik oqaloqatiginiarpaat.

Ataatsimiinneq atuartut aqussavaat, uangalu tapersersuisutut qiimmassaasutullu peqataassaanga.

Taamatut periuseqarluni ataatsimiinnissaq arlalinnik tunngavissaqarpoq.

Atuartut namminneq aqqissuussaannik peqataagunik taava:

- atuarnertik pillugu namminneq ilissinnut oqaluttuarinissaa akisussaaffigilissavaat
- ilinniarnepup ingerlaqqinnissaanut ilissi uangalu suleqatigalusi anguniagassioortalissapput
- suliat suliarisimasamik taakkulu pitsaassusaat akisussaaffigilissavaat
- attaveqateqarnermi aqutsinermilu piginnaasassanik ineriartortitsissapput
- atuarfimmi suliat peqataaffigisimasamik ilaannik takutitsissapput

Ataatsimiinnerup nalaani atuartut imaaliussapput:

- suliaminnik oqaluttuutissavaasi
- qanittumi sunik ilikkagaqarsimanerlutik takutissavaasi
- siuariaatigisimasatik ilissinnut oqaaseqarfigeqqussavaat
- tumannguersaatissanik sassaallerfigissavaasi inertillu misissuataartillugu

Meeqqassi nammineerluni qaaqqusummik allaffigissavaasi.

Neriutigaara, angajoqqaat tamarmik peqataasinnaajumaartut.

Neriutigaarattaq ataatsimiinnissami matumani meeqqassinnut pingaaruteqartumut peqataasinnaangikkussi, inummik allamik meeqqassi ataatsimeeqatigisinnaasaanik nassaarsinnaajumaartusi.

Inimi nr. -mi meeqqanik paarsisitsinissamut periarfissaqarpoq.


Ataatsimeereernerup kingornagut inummut namminerlutik tunnganerusut allat pillugit uannut oqaloqatiginnissutissaqassagussi, taava isumaqatigiinnikkut piffissaqarfigerusuppakka.

Neriutigaara ataatsimiinnissamut uagutsituulli qilanaartigisusi.

Inussiarnersumik inuulluqqusillunga

Ilinniartitsisoq

Peqataasut inissisimaffii akisussaaffiilu



Atuartoq qitiutillugu ataatsimiinnermi peqataasussat inissisimaffissatik imikkuullarissut ataatsimiinnissap pinnginnerani ilisimassagaat pingaaruteqarpoq. Ilinniartitsisut, atuartut angajoqqaallu ataatsimiinnissaq sioqqullugu, ataatsimiinnerup nalaani ataatsimiinnerullu kingornatigut akisussaaffitik assigiinngitsut piareersarfigereersimassavaat.

Ilinniartitsisup pisussaaffii akisussaaffiilu

Ataatsimiinnissaq sioqqullugu ilinniartitsisoq imaaliussaaq:

- ataatsimeeriaasissaq, ilinniartitsisup atuartullu pisariaqartitaanut naleqqunnerpaaq toqqassavaa
- atuartut angajoqqaallu 'inuttaaffissaat' akisussaaffiilu pillugit isumaqatigereersimassavai
- angajoqqaanut allakkiat skiimallu pisariaqartut piareersareersimassavai
- atuartut ulluinnarni atuartitsinermi imminnut nalilersornissamut, anguniagassiornissamut sulianillu assersuutinik takutitassaminnik katersinissamut periarfissinneqarnissaat isumagiuk
- atuartut suleqatigalugit ataatsimiinnermi ullormut oqaluuserisassat allasigut atuartullu saqqummiinissamut sungiusarnissaannut periarfissilugit
- piffissaq, sumiiffissaq atortussallu isumagineqarnissaat aqqissuuguk
- angajoqqaat (naatsorsuutigisaminnik isumakuluutigisaminnik) saqqumiussinissaannut periarfissaqarnissaat isumagiuk

Ataatsimiinnerup nalaani ilinniartitsisoq imaaliussaaq:

- atuartup suliarnik takutitassaminnik nassuiaanerani – pisariaqalissappat – ikiussavaa
- ataatsimiinnerup ingerlanerani qiimmassaanissaq, erseqqissanissaq ingerlannganillu oqilisaanissaq
- atuartut angajoqqaallu suleqatigalugit anguniagassiornissaq
- nammineq, atuartut angajoqqaallu isumaliutaannik, eqqarsaataannik malugalugillu paasisaannik saqqumilaartitsiniarnissaq
- angajoqqaat ilaat isorinninniarpallaat eqqumaffiginiassallugit pisariaqarpallu akuliuffiginissaat piareersimaffigissallugu

Ataatsimiinnerup kingorna ilinniartitsisoq imaaliussaaq:


- atuartut angajoqqaallu nalilersuineri oqaaseqaataallu atuaqqissaassavai, eqikkaavigissavai ingerlateqqissallugillu
- ataatsimiinnerup pillugu atuartut oqaloqatigissavai
- atuartut anguniagassiaannik ikiussavai
- pisariaqarpallu ataatsimeeriaaseq tullissaanut iluarsartuussivigalugulu allannortissallugu

Qatanngutit nukarlit paarineqarnissaat isumagisiuk. Taakku atuartuusinnaapput allat imaluunniit angajoqqaat allat piumasut.

Ilinniartitsisoq angajoqqaallu oqaaseqatigiinngippata (Kal/Qal) oqalutseqarnissaq isumagisiuk.

Oqaloqatigiinnerup pitsaasumik ingerlanissaa isumagiuk. Eqqaamajuk atuartumuna ineriartornerata ilik-kagaqarniarnatalu siuarsarnissaa ataatsimiinnerup siunertarigaa.

Atuartup inissisimanagera akisussaaffiilu




Atuartup angajoqqaavi ataatsimiinnermut peqataasinnaangippata, atuartoq inersimasumik allamik ataatsimiigiaqquseqqullugu kajumissarneqassaaq.

Ataatsimiinnissaq sioqqullugu atuartup:

- Ilinniartitsisoq suleqatigalugu ataatsimiinnermi oqaluuserisassat aqqis-suutissavai
- saqqummiinissani sungiusassavaa
- atuarnini suliaminiillu assersuutit angerlaassimasani angajoqqaanilu oqaloqatigiissutigissavai
- angajoqqaani ataatsimiigiaqqusissummik allaffigissavai
- nammineq imminut nalilersussaaq, anguniagassiorluni suliaminillu assersuutinik katersilluni

Ataatsimiinnerup nalaani atuartup:

- ilisartitsinerit pisariaqartut isumagissavai
- ilisimasani sulianillu takutitassat assersuutit oqaluttariarsorluni saqqumiutissavai
- suliat takutitassat assersuutit pillugit torrallatani ajornakusoortullu oqaluttuarissavai
- angajoqqaani ilinniartitsorlu suleqatigalugit anguniagassiussaaq



Eqqaamajuk, atuartut ilaqassammata ataatsimiinnermik aqutsinissamut toqqis-sisimanartitsinngitsunik taamaattumillu qiimmasarneqarnissamik ikiorneqarnissamillu pisariaqartitsiumaartusanik.

Ataatsimiinnerup kingorna atuartup:

- ataatsimiinneq pillugu naliliinnermi immersugassiaq immersussavaa
- suleriaasissatut pilersaarutit suliarineri ingerlateqqissavai
- anguniagassiat suliarissavai

Atuartumut
Ataatsimiinneq pillugu naliliinermi immersugassaq

Ateq: _____ Ulloq: _____

Angajoqqaatit ilinniartitsisutillu ataatsimeeqatigeqqammerpatit.
Suna nuannaraajuk sunalu nuannarinngiliuk ?


Ataatsimeeqataanerpit sunik iluaqutissarsivaatit ?

Tulliani ataatsimiinnissamut pitsanngorsaataasinnaasunik sunik
siunnersuutissaqarpit:


Imaassaaq:

Imaassanngilaq:


Angajoqqaat inissisimaffii akisussaaffiilu



Angajoqqaat oqaloqatigiinnermi apeqqtissaaleqippata, ilinniartitsisoq ikiuilluni apersuisalluni piareersimassaaq.



Oqaloqatigiinnermi angajoqqaat qulangiisimavallaalerpat, taanna ataatsimiinnerup suna siunertarinera pillugu ilinniartitsisup eqqaasitasaraa.



Angajoqqaat allanik oqaloqatiginnissutisaqarunik, taava piffisamik allamik isumaqatigiissuteqartoqassaaq.

Ataatsimiinnissaq sioqqullugu angajoqqaat:

- meeqqamik atuarnera pillugu isumakuluutissaqarsimassagunik, isumakuluutigisatik pillugit ataatsimiinnerup pinnginnerani ilinniartitsisoq oqaluttuutereersimassavaat.
- suliat takutitassatut assersuutit meeqqamik angerlaallugit takutitassai, takoreersimallugillu oqaaseqarfigereersimassavaat

Ataatsimiinnerup nalaani angajoqqaat:

- tusarnaarluassapput apeqqutinillu paasinarsaataasunik aperisassallutik
- atuartup suliai isiginnaassavaat qiimmassaataasunillu oqaaseqarfigisasallugit
- atuartuq ilinniartitsisorlu suleqatigalugit anguniagassioqataassapput

Ataatsimiinnerup kingorna angajoqqaat:

- ataatsimiinneq pillugu immersugassiaq immersussavaat
- ataatsimiinnissap tullissaanut allannguutissanik siunnersuutissaqarunik allassavaat
- atuartup suleriaasissatut pilersaarutaa nakkutigissavaat kajumissaarisasallutillu

Angajoqqaanut ataatsimiinneq pillugu naliliinerminni immersugassaat

Atuartoq qitiutillugu ataatsimiinneq angajoqqaanut, atuartumut ilinniartitsisunullu pissarsiviussappat, pisariaqarpoq tamarmik suliap sunniutaanik malugisaminnik oqaloqatigiissinnaanissaat.
Taamaattumik qinnuigaassi, ataani apeqqutit akissagisi immersugassiarlu sapinngisamik piaartumik ilinniartitsisumut utertillugu.

Ilissi meeqqassi ataatsimeeqataanera, qanoq isumaqarfigaasiuk?

Ilissi meeqqassi ilissilu oqaatigiumasasi tamakkerlugit oqaatiginissaannut periarfissaqarpisi?

Ilissi isumarsi malillugu, meeqqassi ataatsimeeqataanini sunik pissarsiffigivaa?

Atuarfiup nalunaaruteqartarnerinut allanut (karakteriliinernut, nalunaarusianut il.il.) naleqqiullugu ataatsimeeriaaseq taamaattoq qanoq igaasiuk?

Oqaaseqaatigiumasat allat?

Immersugassiaq una piffissaqarfigigassiuk qujavugut.

Angajoqqaanut ilinniartitsisumullu
ataatsimiinnermi najoqutassatut siunnersuut

Atuartup aqqa: _____ Ulloq: _____

Aallaqqaammut oqaaseriomasat:

Atuartup pikkoriffigai:

Atuartup pitsanngoriarfigisimavai:


Ukunani pitsanngoriartariaqarpoq:

Anguniagaq:

- Atuartoq imaaliussaaq:
- Angajoqqaat imaaliussapput:
- Ilinniartitsisoq imaaliussaaq:

Oqaatigiumasat allat:

Atuartoq qitiutillugu ataatsimeriaatsimit assersuut



Nukarliit

Atuartoq qitiutillugu ataatsimiinnermi immersugassiat ullormut oqaluuse-
risassatut atorneqarsinnaasut pillugit assersuutit. Ataani immersugassiani
marluusuni tamani atuartut oqaluttuariumasatik marluk allassavaat. Aam-
mattaq apeqqutit taakkorpiaat sooq toqqarsimanerlugit, ataatsimiinnermi
oqaluttuarissaavaat.

Uanga atuarfigalu	
Ateq: _____ Ulloq: _____	
Atuarfimmi nuannernerpaatitara: Uanga pikkoriffigaara: Ilikkarsimasara soqutiginarperpaaq: Uanga una ilungersuukkusuppara:	Atuartitsissutit atuarfigisartakkakka Ateq: _____ Ulloq: _____ Qaammatini kingullemi ilikkarpakka: Kalaallisoornermi: Qallunaatoornermi: Inuiaqatigiilerinermi: Upperisalerinermi/isumalioqqissaarnermi: Pinnortitalerinermi: Inuttut inerikkiartornermi: Atuartitsissutini allani:

Akullerni angajullernilu

Atuartitsissutit atuarfigisartakkakka

Ateq: _____ Ulloq: _____

Atuartitsissutini tamani suliatit/ilikkakkatit pingaarnerit marluk oqaluttuarikkat.
Portfolio: Atuartitsissutini ataasiakkaani suliavit qanoq suliarisimani pillugit oqaluttuaritigalugit aammattaq assersuutit taakkorpiat porfoliolianni sooq ilanngun-
nerlugit oqaluttuarissavatit.

Kalaallisut:

Qallunaatut:

Tuluttut:

Inuiaqatigiilerineq:

Upperisalerineq/isumalioqqissaarneq:

Matematikki:

Pinngortitalerineq:

Inuttut inerikkiartorneq:

Atuartitsissutit allat (ass. allamiut oqaasiia pingajui, sumiiffimmi toqqagassat):

Atuartitsissutit ataasiakkaat

Atuartitsissut: _____ Ulloq: _____

Ateq: _____


Atuartitsissutini maannamut suut anguniagarinerlugit oqaluttuariuk:
Angusimavigit?

Sooq?

Sooq naamik?

- Atuartitsissummi illit portfolio-liat missoqqissaaruk. Oqaluttuariuk sooq suliani taakkorpiat assersuutissatut toqqarsimanerlugit
- Siunissami suut anguniagassattut takorloorneritit oqaluttuarikkit
- Illit angajoqqaatit ilinniartitsisullu suleqatigalugit, illit anguniagassannik piviusorsioortunik anguniagassioritsi
- Angajoqqaatit ilinniartitsisullu suleqatigalugit anguniakkatit qanoq iliorlutit anguniassaneritit siunertaralugu illit suleriaasissannik pilersaaruseritsi


Isumaliutigisassat



Atuartoq qitiutillugu ataatsimeeriaaseq ataasiaannarluni pisussatut isigisassaanngitsoq, kisiannili ulluinnarni atuartitsinerup pissusissamisoortumik ineriartornerata ilagiinnaraa, atuartut namminneq angajoqqaatillu ineriartornissamik ilikkariartornissamillu pilersaarusionerqarnerisa, nalilersorneqarnerisa nalilerneqarnerisalu ingerlanneqarnerinut peqataatinneqalernerimikkut atuartunut siuariartuutaalersussaq, neriunarpoq ilinniartitsisut paa-silerumaaraat.

Pingaartuuvoq ilinniartitsisut ataasiakkaat ilinniartitsisoqatinik, atuartunik angajoqqaanillu suleqateqarneq aqutigalugu ataatsimeeriaatsimik, peqataasussat tamarmik pisariaqartitsinerinut napertuuttumik ineriartortitsinik-kut pilersitsinissaat.

Oqaatsit atorpeqartut allassimaffiat



Nalilersuineq

Atuartut ilikkariartorneri, ilisimasaat, sunik piginnaasaqarneri, sunillu iliuuseqarniartarneri pillugit ilisimasani katersuinikkut aqqissugaasumik suleriaaseq.

Naliliineq

Atuartut ilikkagaat pillugit nalilersukkanit katersukkat nassuiaatitut atorlugit aalajangigassanik aalajangiillunilu naliliineq. Ilinniartitsisoq atuartorlu tamarmik immikkoorlutik imaluunniit akunnerminni suleqatigiillutik naliliinertik ingerlassinnaavaat.

Angusaniq nalilersuineq

Tassaavoq atuartut piginnaasaminik takutitsinerat tunngavigalugu nalilersuineq. Aammattaaq suliasiissutit ataasiakkaat angusaqarfigineqarnerinik nalilersuineri nassuiaatitut oqariartaaseq taanna atorpeqartarpoq. Nalinginnaanerusumik sulinerup ingerlanerani inernerinillu nalilersuineri nassuiaanermi atorpeqarsinnaavoq.

Portfolio

Siunertamut naapertuuttumik piffissallu aalajangersimasup iluani atuartup suliniarsimanerani, siuaritaanik suliallu inernerinik ersersitsisunik, atuartut suliarisimasaannik katersat.

Portfoliomik nalilersuineq

Periusaavoq atuartut ilisimasaannik ilikkarsimasaannillu naliliinissaq siunertaralugu atuartut suliarisimasaannik ataatsimut katersuineq.

Nalunaarusiaq Karakteriliinerlu

Ileqqussanik malittarisassanillu aalajangersakkanik tunngavilinnik aalajangiiviusumik nalilikkanik naliliinernillu saqqummiussinerit. Tamanna nalunaarusiornikkut siumut piareersariikkamik pisinnaavoq imaluunniit iluarinerusamik iliornikkut pisinnaavoq.

Atuartup inuttut imminut nalilersornera/naliliiffiginera

Atuartup piffissami ingerlaavartumi nammineq imminut atuartut angusaminik, suliaminik inernerinillu, sulianut isummersornerminik ilikkariartornerinillu eqqarsaatiginninnermigut imminut ilisarileriarternissaa.

Atuartoq qitiutillugu ataatsimiinneq

Atuartup atuarnera/ilikkariartornera pillugu ilinniartitsisoq/sut, angajoqqaat atuartullu ataatsimeeqatigiinnerat.

Takukkit aamma: Angusakka.

